

重修四川通志例言

2020
9/16



重修四川通志
例言一卷

成都昌福
公司排印

擬修四川通志例言

一通志與國史略殊而與通史相類國史雖疆域甚廣而斷代爲書省志雖方隅有限而稽古遠紹故非有史學專長難膺通志主任一通志與通史體裁微別而與經術經緯相成通史注重朝廷之興替通志則注重民事之盛衰史家三長尤貴學識今擬更訂舊志之體例發摛學術之精華非有經學通才難以總裁新志

一開局修書異於私家著述集合衆材固仍資於獨斷網羅羣彥抑尤取於專門非有學具專家之長難膺通志分纂之選

一通史之良以鄭漁仲通志二十略爲可法方志之善以常道將華陽國志爲足徵今擬取法兩書別裁新志方域則據今爲限人物

重修四川通志

卷一

丙寅七月成都
昌福公司排印

則以類相從學術民事綜厥源流物產風土相爲表裏期成有用之書不獨方聞之志

一修志蒐羅貴富而成書不貴多須載籍極博而詳略適宜將欲綴輯舊聞網羅放失必須徵求各縣志乘私家著作附設採訪製定表格分發各縣採訪照表填注以備取裁

一紀傳表志史家四體省志以志爲主不主一朝則宜無本紀又非編年則無取周譜然疆域沿革不能漫無統系擬以地域爲經人事爲緯特立地域爲紀領土人物建置事蹟附見於篇至如帝政時代之將帥封疆科舉時代之科甲名宦土斷之著姓氏族民數之戶口登下體合編年亦列爲表

此係約舉大例其細目俟開辦

- 一通志以疆域爲界非斷代爲書例同於通史而注重在民事應首以地域爲統系地經而事緯擬變通史家本紀爲地域方紀
- 一通志既注重民事則凡禮俗學術物產戶口田賦學校均應綜序源流各爲專志首志山川道里爲民事之所從出以山水爲經略仿桑經鬪注水道所經并志農田水利而新學家所稱地質地文均可附見於篇歷代兵事爲疆域建置沿革所係應有專志每一次改革綜其終始斷爲一篇則兵制沿革具在其中矣
- 一史家談體例最精者前有劉子元後有章實齋而章實齋尤詳於方志前之爲通志者以鄭夾漈之書爲博而有要蜀之爲國志者

以常道將之書爲簡而能該近代之爲省志者以畿輔通志爲詳瞻可觀今議修四川通志大略仿畿輔通志分門而刪其寡要之紀表大篇專志則宗述鄭樵通志略其散篇

- 一人物如良吏先賢孝友貞義彙志之屬則規仿常璩華陽國志先賢士女諸篇體裁化表爲志即志即表分別部居庶無雜廁至於變革時代死綏武士亦見於篇

- 一通志以地域爲綱不重帝王世紀固如前議矣然如杜宇之開明建國李冰之惠濟利民文翁之興學諸葛之治蜀均宜特立專傳至於嶠若君平蔚若相如揚雲湛深子淵符采李白文章趙蕤術數關張五虎璘玠二爽若斯之倫並宜特傳史傳賢奸並爲列傳

今別體裁獨傳賢豪以明彰善其瘴惡之蹟概附見於地域方紀
事緯之中

一藝文志仿隋志但載書目下志撰人姓名出處

一山川道里有圖須用測繪戶口田畝物產學校有表並仿旁行志
爲經而表爲之緯戶口田畝物產須實際調查

一氏族爲專表以現今之同姓聯宗會爲綱與戶口相經緯其帝制
時代督撫兩司科第時代翰林進士封爵世襲旌表節孝別爲年
表有事實者入志無事蹟者入表詳略互見於篇

右各條大綱略具只一整齊便成體例

論史學方志上

史學家分紀傳編年紀事本末世學之通途率以前之劉子元後之章實齋爲矩臬遂將史記漢書與後代開局修書合爲一部義例殊差問琴已有論列編年以資治通鑑爲主而朱子綱目乃因通鑑而損益之其體防於荀悅漢紀干寶晉紀而又欲包羅紀傳史材反不如漢紀之專載國事爲有體要後來唐鑑係仿漢紀而學識較差方幅又小五種紀事本末便於誦習以周知史事雖屬纂鈔家數而事具原委足備史案李燾長編於稽其類亦其選也第以言乎史學則當以政治爲主學者所當公認以言乎政治則學術與民俗物產生計爲政治中之骨殖政治之盛衰興廢皆策源於此與其治廿四史

重修四川通志
體例一卷

丙寅七月成都
昌福公司排印

不如治三通三通經前哲判定通典爲政書通志爲通史文獻通考屬類書然史家本屬政治則通典正當爲史家正宗惟杜君卿書以唐之政典爲主未得上推兩漢自未及上窺三代是以諸多缺典顧貞觀政要蔚然成爲典章固優於後代鄭漁仲通史其本紀列傳係彙纂諸史無甚出入損益論者少之其實本紀列傳原取事實異同褒貶本不必深求卽此便足其二十略自詡取諸胸臆獨步前八顧名物稽於爾疋姓氏取自潛夫文字尙囿於三倉音韻猶拘於四譜得失之間未云冠絕而長處實多瑜瑾爲良瑕非所掩誠屬學林優勝馬貴與文獻通考成於聚客程書非一手所訂良可上追呂覽掩映淮南雖未免時有雜糅而頗能綜以後案但取其切於政治學術

者理而董之無關於國典民生者別之以供流覽賢於九百亦不必吹求體例反落後塵也吾見謂須合三通乃成史學（史學後起名詞古誼史爲竹帛之通名乃記事記言之統號承襲已久今沿用爲政治學之代名）固勝於文省事增競談夫斷代別裁之正史尤勝於發凡考異究心於通鑑綱目之編年也故居今而言治史必當以三通爲主課無所用其邏輯其邏輯已在前也考訂其所不必考訂忽略其所不宜忽略此全謝山王西莊趙歐北愈理初何願船俞曲園諸老之通而蔽也時會學風使之然吾人所不必學者也治史以三通爲主尤當知其記別政略主於通典學科主於通志兩書有缺始就通考求詳要歸以關繫國度民生學術風俗爲治史之典要斯

重修四川通志 二 丙寅七月成都 昌福公司排印 體例一卷

古人著作成有用之書吾輩讀書成有用之學續三通已不能擇要再續之皇朝三通益曼衍駢支治史者以唐典鄭志所舉因原以究委始次及之其不舉者不可從略今有昔無而實重關典要者乃因委以窮源又必由馬端臨書鄭志唐典以上溯至於兩漢至於三代自漢書史記稽合乎左傳國語至於詩禮至於尚書夫乃知班孟堅氏司馬子長氏之所謂作者之林也則經史合轍可以別言爲政治學非政治學亦復不必別其名爲某學非某學爲經學抑史學統名之曰國學方志之爲學與史同意要不必與史同裁揆元其朔則周禮史官之徒分屬地官之士訓誦訓所掌曰掌道地圖道地隱以詔地求曰掌道方志以詔知地俗爰發疏證爲說方志別次於篇

論史學方志下

三代典章具載於禮經周禮卽是三代會要無典不備卽是國典所應有盡有土訓掌道地圖卽分掌司徒所掌土地之圖按司徒以天下土地之圖周知九州之地域廣輪之數辨其山林川澤邱陵墳衍原隰之名物以土會之法辨五地之物生下次山林至原隰目其動物植物其民種因此五物者而施十有二教以土宜之法辨十有二土之名物以任土事以土均之法辨五物九等制天下之地征以作民職以令地貢以歛財賦土訓此官所掌道地圖以詔地事卽其一方一州一國一都之分圖列說道者述也述其國故俾其方國之人按圖籍而周知也重提道地隱以辨地物而原其生謂如山川險惡

土地不毛出蛟發火山爆崩等類是謂地隱而原其生所謂山川能說例如蜀地古稱叢魚鳧陸有雪山劍閣水有瞿塘淫瀨險以蜀山少起伏峯巒多作臥蠶形纍纍盤鬱蜀水少波浪瀾漪而多激湍作浮漚疊起魚响漩瀾是其川原之特別隱而難知而原其所自來可以推知雪山積沍融下爲川沿澗導江至於夔門斬關而下至此渟洄名爲魚腹禹功至此以防止水善防者使水淫之瀨縈而下蜀楚之交凶灘惡水原此而生而因是以求其地產之所饒可推知上有童山葱嶺下有金苗銀礦又例如地生青稞牧宜牛羊山出雲霧殖宜茶薺藥材悉數難終其物誦訓掌道方志以詔觀事觀卽懸法於象魏使民觀之之事方志主通俗教育卽社會教育懸象之圖

說其因地域發生之原點卽地理地文與政治之關係司徒之掌所謂因此五物者而施十有二教焉方志須注重於此使各方域人民知觀象讀法所指導之方嚮所謂省方觀民設教故云道方志以詔觀事重提掌道方慝以詔辟忌卽對照太史陳詩以觀民風之志淫好辟上節二句是教民爲善此節三句是禁民爲非故云以知地俗又夏官有訓方氏掌道四方之政事與其上下之志誦四方之傳道此卽由方志以達於國史之官聯卽小行人之職云禮俗政事教治爲一書也按周官小行人之職曰其萬民之利害爲一書其禮俗政事教治刑禁之順逆爲一書然主重在萬民之利害斯與土訓誦訓之道地慝與詔地求爲尤深切著明後之爲郡國利病書者不其可

法歟曰近基之矣又必合於其禮俗政事教治爲一書乃始合於道方志以詔觀事行人職之首舉萬民之利害次并及刑禁之順逆又次以悖逆暴亂扎喪凶荒阨貧康樂和親安平各分爲籍以上於朝者爲有所舉劾興發非爲一邦之方志最括其義例是以史職之分司宜舉地官之分職爲法論史學之三長者庶知經法所存史學固周官經一官之掌也

釐訂長編初稿略例

通覽一年來成績亦已得半工程略加釐定已可立定門目體例專俟採訪新案催報到局接續續入隨筆修飾按門目編輯寫定長編卽成初稿再行通覽加以潤色卽成完書惟圖繪係屬專門由輿地

門纂協修綜理其成添請測繪專員分縣測繪先將測量局現有圖本摹繪交課依圖爲經次取山川疆域道里鄉鎮橋梁峇堡渠堰及烏道經緯線度分條次爲圖說今披覽各門目長編底稿隨筆條簽評隲訖就前出門目功課兩表釐定分併出入略加整齊已具凡例與分條評簽參看

建置門

建置沿革源流考 以疆域爲主自建國置郡設官及分建軍州道路行省分道府廳州縣正敘源流以爲提綱其餘設官分置訖於新政郵電路礦與官政民職食貨學校各門互爲詳略參定討論通力合作

康衛邊藏別爲篇次後

疆域建置沿革表 郡國爲經朝代爲緯列郡分州府路爲綱屬縣爲緯

康衛邊藏另表次後

圖經門 以輿地爲主(後或題爲輿地或仍此名)

行省方域總圖 梁益方域甚廣本兼黔中南中既分行省以來不可復志故祇以行省方域爲主

各縣分圖 原設府有附郭以縣爲方域原直隸廳州有本境有屬縣宜仍依據乾隆府廳州縣志相次於圖說註今改某縣

山脈水道圖 以水爲綱卽影射圖鐵路虛綫及郵電所經鑛場

鹽場所在循水道陸路測繪所到隨山測望可見之砦堡水陸交通之市埠循舟航所過之橋梁道路鄉鎮至於寺觀古蹟均分別符號附於山水次以圖說仿道元水經注非測繪所經不載

食貨門 分上下篇

食貨志上 田畝(附水利)山林(附土產)約分五道各爲篇綜採所在民田土地計石計畝田土價值田主佃戶分租計息同一規則者合在一篇(附稅契條糧津貼捐輸濟倉合爲一篇)鹽茶絲糖藥材木料皮張以產地爲綱因出產多寡爲詳略(附鹽茶課稅百貨釐金及加徵專稅加抽卡稅)土產物價表 亦以五道爲經所產屬縣爲緯及所產鄉鎮(注

產地常平經價)成莊運銷之貨并及銷場綜其歲出都數

食貨志下 幣制溯自道光以來寶川局及滇黔銅幣廠設鑄務大臣至幣制設銀元銅幣局廠并鈔銀定秤色交換銀銅元制錢合價次及財廳金庫官銀行銀號商號從票號改銀號兼及錢莊兌換價值概略附以銀錢莊貿易支配概括說明交易盈虧之故錢幣價格表 年經價緯 年代爲綱價格爲目 金銀銅縱橫相次

貨幣價格和較表 年經價緯 貨物以米糧固莊爲綱餘產以大批所出列目

商場匯兌票號銀行錢莊時價表 年經價緯 成渝爲綱分埠

列目 與民職門互見詳略

學校門

學校源流志 敘自文翁開化禮殿學堂次刺取兩漢儒林傳經講授并檢通典六典通考學校類通行詔令括有益部文學掌故者至獨立石經槧本宋興書院南軒鶴山講學學案迄明設校官國朝沿定學額校官與書院山長分掌課士時及臥碑聖諭廣訓功令考試合爲一篇或分爲上下篇
貢舉表 刺取摭言登科錄有蜀人士者摘列無者缺之次列明以來甲乙科五貢次以改建學堂省高等學堂畢業生
今學校科級表 以學校等級統系爲經以學年教科爲緯次說

重修四川通志
體例一卷

七

丙寅七月成都
昌福公司排印

約舉學制摘列旨令奏案

禮俗門 分上下篇

禮俗志上 首列禮殿學堂次以歷代崇祀附及學宮校官釋奠及學使按臨到學宮講聖諭次列鄉飲冠婚喪祭採摭溫公書儀文公家禮及題請旌表繼產承襲(附五服圖)

禮俗志下 壇廟祀典歷代沿革刺取自歷史郊祀志漢五代唐會要六典三通開元禮金集禮宋禮書次勅建寺觀僧道自開叢林民間祠墓祭掃人家寢堂供俸社公竈神附以各省會館供俸主神神會調查佛道耶回各宗教人數結論於篇

官政門 分六子目

統治 敘自設益州牧至巡撫設總督迄後沿爲巡按使民政長省長以年代爲綱

地政 敘自漢郡太守州牧刺史至布政司直治至州縣名地方官屬之

考試 敘自科試鄉試至改監督選舉屬之

軍制 敘自唐設節度留守至將軍提督營衛分汎沿爲將軍督軍軍長師旅團營長及府兵軍州營制改新法編制咸屬之軍事學課練及近年戰事概略附出

司法 敘自漢刺史直指與郡縣交治訟獄至沿提刑設按察使司沿革至判官推官司理改爲今司法分庭屬之

工職 敘自秦開水利漢設銅官宋立鹽監至寶川局沿爲造幣廠機器局演爲兵工廠及鐵路郵電(各分子目)屬之
水利鹽場詳見食貨礦務茶綱分隸民業此均從略但題綱目至江輪馬路皆與鐵路懸案關連分屬民職此但附見鐵路案下不另分列子目

民職門 分公務實業二綱

公務鄉官 敘自漢設少吏三老嗇夫亭長里長上計吏唐設賦長典農督農等宋立社倉鄉約迄於局紳徵收津捐夫馬三費等管理公務論次沿革至宣布憲政增設議參兩會暨法定機關團防另爲一篇叙自漢設游徼里魁宋設本州團練保甲迄今團

保

實業民職 敘自秦表丹穴懷清漢舉孝弟力田賜當戶牛酒發
端刺取史記貨殖漢書食貨如程鄭童指卓氏芋區嚴道銅山之
類為原始一篇次以憲政以來農工公場股分公司著其興廢
從建置門裁出建築分別城池入官政街溝公園橋梁入民職鹽
茶承商分案舊案因革為一篇自開鑛禁四川設商鑛務至籌辦
鐵路發生江輪馬路新案沿革興廢為一篇

人物門 賢良 孝義 貞節 文學 方技 隱逸 釋道

賢良 不分官吏人士以時代相次治行特出者列為專傳其有
政察賢名事績相類者入彙傳但有考語未見事實者入題名彙

重修四川通志 九 丙寅七月成都 昌福公司排印

傳

孝義 事顯於蜀有關蜀故同前例

貞節 例同前 此與上孝義二例同前其但有旌題無特加考

語者仿士女後賢傳義法歸為彙表

文學 例同前 以著有專書見於世者始列專傳詩文集家入

彙傳

方技 天文醫卜 不分方外流寓事顯於蜀者以時代相次

隱逸 例同前 方外釋道附屬彙傳

藝文門

藝文略 依七略義法分別部居仿書錄解題郡齋讀書志四庫

提要陳其輯略史家書名著完書優者附六藝之末次視其論列分屬九家者流其載一部分及僅占史志一門者隸於雜家之次小說之前自揚馬以降蜀先後賢所有鉅製名篇別選爲全蜀文徵

金石略 分八子目 一人物例如高君碑次王稚子石闕之類 二建置例如修禮殿學堂記閣道頌之類 三掌故例如蜀石經母昭裔槧本之類 四金銘例如開元寺鼎銘之類（此類甚少姑存一格） 五摩崖題名例如有傳人在列者居前無者居後近代或存或去再定 六題字題詩分別棄取 七寺廟碑記分別棄取 八私家碣誌分別棄取

全蜀文徵 分有韻無韻爲兩綱綱各分八子目（另表如後）所選以發明政見學說爲主以大篇名篇學案史案四種爲限其大門之子目略依昭明文選以文體緯之同目之中又以時代相次文選不摘經傳不能不摘子史老子孟子爲經不錄子從荀莊爲始史從國語爲始韻文自離騷爲始大篇如齊物論養生主禮樂論名篇如儒效篇過秦論學案如天下篇勸學篇讓太常博士書史案如諫逐客書屯田議徙戎論之類可推例而知

有韻文 詩 賦 頌 詞（卽楚騷一類入此） 箴銘 贊 樂府歌謠 詩餘（曲與對聯詩鐘不錄） 無韻文 論著 詔令 表奏 牋書（檄入此） 碑狀 對問

(七入此) 哀策 (誄入此) 傳記 (連珠與格
言一類不錄)

重修四川通志
體例一卷

十一
丙寅七月成都
昌福公司排印

修志審定體例得失旨約

昔賢著述均先譔成書然後序其體例條其最目原於史漢矩矱先民迨後官局修書始先議凡例纂修各據所見雜組不必成章誤述分屬各手殊非一家機軸約發其凡厥有數失取材憑採訪所知則詳略失宜考證就肄業所及則文質異僎其失一也官治相承略於民事風俗則汎加考語無徵於社會物產則不道士訓略同於簿籍其失二也郡縣軍州之沿革既脫漏源流疆域道里之遷移即迷失經緯但載斷爛朝報取諸近代官書政治之得失莫聞民生之盈耗無準其失三也混賦稅於食貨反略錢幣則不知財物之平準列科舉爲學校反遺書院則不識學尙所從來其失四也人物則官紳士

重修四川通志
體例一卷

十二
丙寅七月成都
昌福公司排印

女畫界分門類(謂彙傳)別(謂專傳)表(縱橫列格可讀爲表)題(直行排次爲題名)部居雜廁藝文則雜選詞章罔聞學術流別臚陳金石莫辨雅俗古今其失五也至於表學行則偏重性理文史而孝義罕著舉政績則每稱聽訟治盜而教養無聞此又後史之通途惑乎方志之歧向矣然著述須以宗史志不以方域而限觀於彥和文心本儕史傳爲文章之一體洎於知幾尊史始躋史乘爲漢晉之六經(見文心雕龍首宗經至史傳諸篇論次源流及史通五種三體至稱漢晉尙書春秋等篇論列流派茲不具說)文心樹義實究委窮源史通繁稱乃博而寡要惟所標史漢二體其實同波異瀾二家爲史學所宗屬不祧之祖承祚道將繼茲而作足稱良史之才